

Fundargerð 938. fundar

stjórnar Sambands íslenskra sveitarfélaga

Árið 2023, föstudaginn 24. nóvember kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Heiða Björg Hilmisdóttir, Einar Brandsson, Freyr Antonsson, Guðmundur Ari Sigurjónsson, Margrét Ólöf A. Sanders, Walter Fannar Kristjánsson og Jón Björn Hákonarson. Í fjarfundarsambandi voru Einar Þorsteinsson, Hildur Björnsdóttir, Rósa Guðbjartsdóttir og Nanný Arna Guðmundsdóttir.

Að auki sátu fundinn Arnar Þór Sævarsson framkvæmdastjóri, sviðsstjórnarnir Inga Rún Ólafsdóttir, Valgerður Rún Benediktsdóttir og Valur Rafn Halldórsson, sem ritaði fundargerð, ásamt Grétar Sveinn Theodórsson samskiptastjóra.

Fundargerðin var færð í tölvu.

Þetta var tekið fyrir:

1. Náttúruhamfarir í Grindavík - 2311012SA

María Ingibjörg Kristjánsdóttir, félagsþjónustufulltrúi sambandsins og Svala Hreinsdóttir, sérfræðingur á lögfræði- og velferðarsviði sambandsins gerðu grein fyrir stöðu mála. Í máli þeirra kom fram að ýmiskonar vinna er í gangi vegna stöðunnar í Grindavík. Sambandið hefur fundað með fulltrúum sveitar- og bæjarstjórna víðsvegar um landið, ásamt fulltrúum almannavarna og ríkisins vegna stöðunnar í Grindavík. Einnig hefur sambandið aðstoðað við að taka saman upplýsingar og styðja við sveitarfélagið í þeim verkefnum sem snúa að skóla og velferðarmálum. Starfsfólk sambandsins er jafnframt í teyrum sem hafa verið stofnuð af mennta- og barnamálaráðuneytinu vegna skólamála og innviðaráðuneytinu vegna húsnæðismála.

Stjórn þakkar upplýsingar og leggur áherslu á að starfsfólk sambandsins haldi áfram að styðja við sveitastjórn Grindavíkurbæjar eftir bestu getu. Stjórn lýsir jafnframt ánægju með þá samstöðu sem er meðal sveitarfélaga um þessar mundir við að aðstoða Grindvíkinga.

María Ingibjörg Kristjánsdóttir og Svala Hreinsdóttur viku af fundi kl. 12:40.

2. Fundargerðir 935., 936. og 937. fundar - 2301014SA

Lagðar fram til kynningar fundargerðir 935., 936. og 937. fundar stjórnar sambandsins frá 16. og 27. október og 12. nóvember 2023, sem undirritaðar hafa verið með rafrænum hætti.

3. Fræðslumálanefnd sambandsins - 2210009SA

Lagðar fram fundargerðir 148., 149. og 150 fundar fræðslumálanefndar sambandsins frá 21. september, 19. október og 16. nóvember 2023.

Eftirfarandi bókun samþykkt samhljóða í tengslum við 150. fundargerð fræðslumálanefndar:

Stjórn sambandsins tekur undir með fræðslumálanefnd og leggur áherslu á að samstarf sé á öllum stigum við mótun heildstæðrar löggjafar um skólaþjónustu

við sveitarfélög og vettvang fræðslu- og frístundayfirvalda sveitarfélaga, með það að markmiði að tryggja breiða sátt um löggjöfina og sameiginlegan skilning.

Eftirfarandi bókun samþykkt samhljóða í tengslum við 149. fundargerð fræðslumálanefndar:

Stjórn sambandsins leggur áherslu á að mótuð verði heildstæð stefna um þjónustu við börn og foreldra frá 12 mánaða aldri, með aðkomu ríkis og sveitarfélaga. Mikilvægt er að horfa til jafnréttissjónarmiða, samfélagslega þörf og aðkomu ríkisins vegna þjónustu sveitarfélaga við börn frá 12. mánaða aldri.

4. Stafrænt ráð sveitarfélaga - 2009664SA

Lögð fram fundargerð 22. fundar stafræns ráðs sveitarfélaga frá 17. október 2023.

5. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 91. fundar verkefnisstjórnar fyrir hagsmunagæslu í úrgangsmálum frá 6. nóvember 2023.

6. Meginmarkmið og áherslur Sambands íslenskra sveitarfélaga í kjaraviðræðum 2024 - 2311018SA

Rætt var um skipulag í upphafi kjaravetrar.

7. Kjaramálanefnd sambandsins - 2210010SA

Lögð fram sem trúnaðarskjal fundargerð 38. fundar kjaramálanefndar sambandsins frá 22. nóvember 2023. Eftirfarandi bókun samþykkt samhljóða.

Í ljósi efnahagspróunar telur stjórn Sambands íslenskra sveitarfélaga að mikilvægt sé að horft verði til samstillts átaks til að kveða niður verðbólguna. Komi til þess þá er sambandið tilbúið til að koma að slíku átaki.

8. Staða kjaramála - 2301032SA

Lagt fram sem trúnaðarskjal minnisblað sviðsstjóra kjarasviðs sambandsins, dags. 21. nóvember 2023, um stöðu kjaramála í nóvember 2023.

9. Kjarasamningur - 2301032SA

Lagt fram samkomulag milli samninganefndar Sambands íslenskra sveitarfélaga, og Sambands stjórnendafélaga, dags. 1. nóvember 2023, um breytingar og framlengingu á kjarasamningi aðila.

Stjórn Sambands íslenskra sveitarfélaga staðfestir samhljóða fyrirbyggjandi kjarasamning við Samband stjórnendafélaga.

10. Forsendur fjárhagsáætlana sveitarfélaga - 2308027SA

Lagt fram minnisblað Sambands íslenskra sveitarfélaga, dags. 21. nóvember 2023, um nýja spá Hagstofu Íslands og forsendur.

11. Starfshópur um starfskjör - 2311004SA

Lagt fram erindisbréf starfshóps um starfskjör Sambands íslenskra sveitarfélaga, dags. 10. nóvember 2023.

Stjórn samþykkir erindisbréfið og felur starfshópnum að vinna tillögur í samræmi við umræður á fundinum sem lagðar verði fram á næsta fundi stjórnar.

12. Dagatal stjórnar - 2309033SA

Tekið fyrir að nýju, áður á dagskrá stjórnar sambandsins 29. september 2023, en þá var framkvæmdastjóra falið að laga dagatalið til miðað við umræður á fundinum og leggja fram til staðfestingar á næsta fundi stjórnar. Athygli er vakin á því að gert er ráð fyrir að stjórn sambandsins fundi á tveggja vikna fresti.

Stjórn samþykkir tillögu að fundardagatali stjórnar fyrir árið 2024 með þeim breytingum sem voru ræddar á fundinum.

13. Kostnaður og tekjur sveitarfélaga vegna meðhöndlunar úrgangs - 2308026SA

Sviðsstjóri lögfræði- og velferðarsviðs sambandsins gerði grein fyrir stöðu verkefnis um úttekt á kostnaði við úrgangsmál.

14. Breytingar á samþykktum Brúar lífeyrissjóðs - 2009577SA

Lagt fram bréf Brúar lífeyrissjóðs, dags. 25. október 2023, um breytingar á samþykktum sjóðsins, ásamt fylgiskjölum.

15. 25 ár frá yfirfærslu grunnskólans til sveitarfélaga - skýrsla - 2310048SA

Lögð fram til kynningar skýrslan 25 ár frá yfirfærslu grunnskólans til sveitarfélaga - Útgáfa námsgagna - Starfspróun kennara og skólastjórnenda grunnskóla 1996-2021, dags. í apríl 2023.

16. Sviðsstjóri stjórnsýslusviðs - 2310008SA

Framkvæmdastjóri lagði fram tillögu á fundinum um ráðningu í starf sviðsstjóra stjórnsýslusviðs, sbr. auglýsingu um starfið 3. október sl. og gerði grein fyrir rökstuðningi með tillögunni.

Stjórnin sambandsins fellst á tillögu framkvæmdastjóra og samþykkir að ráða Helgu Maríu Pálsdóttur í starf sviðsstjóra stjórnsýslusviðs sambandsins og felur framkvæmdastjóra að ganga frá ráðningarsamningi við hana og semja um upphafstíma starfs.

17. Umsögn um tillögu til þingsályktunar um samgönguáætlun fyrir árin 2024-2038 ásamt fimm ára aðgerðaáætlun fyrir árin 2024-2028 - 2310046SA

Lögð fram til kynningar umsögn sambandsins til umhverfis- og samgöngunefnd Alþingis, dags. 26. október 2023, um tillögu til þingsályktunar um samgönguáætlun fyrir árin 2024-2038 ásamt fimm ára aðgerðaáætlun fyrir árin 2024-2028, 315. mál.

18. Endurtilnefning í Íslenska málnefnd - 2310028SA

Lagt fram til kynningar bréf sambandsins til mennta- og barnamálaráðuneytisins, dags. 7. nóvember 2023, þar sem Marta Guðjónsdóttir, borgarfulltrúi, er tilnefnd í Íslenska málnefnd.

19. **Endurtilnefning í verkefnisstjórn um stefnumarkandi áætlun um uppbyggingu innviða til verndar náttúru og menningarsögulegum minjum - 2209023SA**
Lagt fram til kynningar bréf sambandsins til umhverfis-, orku- og loftslagsráðuneytisins, dags. 7. nóvember 2023, þar sem Nanný Arna Guðmundsdóttir, er tilnefnd sem aðalmaður í verkefnisstjórn um stefnumarkandi áætlun um uppbyggingu innviða til verndar náttúru og menningarsögulegum minjum, og Eggert Valur Guðjónsson, oddviti Rangárþings ytra, til vara.
20. **Endurtilnefning í innflytjendaráð - 2201014SA**
Lagt fram til kynningar bréf sambandsins til félags- og vinnumarkaðsráðuneytisins, dags. 7. nóvember 2023, þar sem Valgerður Björk Pálsdóttir, bæjarfulltrúi í Reykjanesbæ, er tilnefnd í innflytjendaráð.
21. **Tilnefning í stjórn Úrvinnslusjóðs - 2306029SA**
Lagt fram til kynningar bréf sambandsins til umhverfis-, orku- og loftslagsráðuneytisins, dags. 7. nóvember 2023, þar sem Líf Magneudóttir, borgarfulltrúi og Jón Viggó Gunnarsson, framkvæmdastjóri SORPU bs., eru tilnefnd í stjórn Úrvinnslusjóðs.
22. **Tilnefning í stýrihóp um gerð stefnu um líffræðilega fjölbreytni - 2310002SA**
Lagt fram til kynningar bréf sambandsins til umhverfis-, orku- og loftslagsráðuneytisins, dags. 8. nóvember 2023, þar sem Guðrún Anna Finnbogadóttir, teymisstjóri atvinnu- og byggðasviðs Vestfjarðastofu, er tilnefnd í stýrihóp um gerð stefnu um líffræðilega fjölbreytni.
23. **Tilnefning í úthlutunarnefnd Menntarannsóknasjóðs - 2310047SA**
Lagt fram til kynningar bréf sambandsins til mennta- og barnamálaráðuneytisins, dags. 8. nóvember 2023, þar sem Anna Ingadóttir, sérfræðingur á lögfræði- og velferðarsviði sambandsins, er tilnefnd í úthlutunarnefnd Menntarannsóknasjóðs 2023.
24. **Umsögn um uppbygging og umgjörð lagareldis - Stefna til ársins 2040 - 2310021SA**
Lögð fram til kynningar umsögn sambandsins til matvælaráðuneytisins, dags. 2. nóvember 2023, um uppbyggingu og umgjörð lagareldis - Stefna til ársins 2040, mál nr. S-182/2023.
25. **Umsöng um frumvarp til laga um Miðstöð menntunar og skólaþjónustu - 2310027SA**
Lögð fram til kynningar umsögn sambandsins til allsherjar- og menntamálanefndar Alþingis, dags. 26. október 2023, um frumvarp til laga um Miðstöð menntunar og skólaþjónustu, 238. mál.
26. **Umsögn um frumvarp til laga um breytingu á lögum um lögheimili og aðsetur, lögum um mannvirki og lögum um brunavarnir - 2311003SA**

Lögð fram til kynningar umsögn sambandsins til innviðaráðuneytisins, dags. 3. nóvember 2023, um frumvarp til laga um breytingu á lögum um lögheimili og aðsetur, lögum um mannvirki og lögum um brunavarnir, mál nr. S-201/2023.

27. Umsögn um frumvarp til laga um tímabundnar undanþágur frá skipulags- og byggingarlöggjöf og skipulagi - 2311005SA

Lögð fram til kynningar umsögn sambandsins til umhverfis- og samgöngunefnd Alþingis, dags. 7. nóvember 2023, um frumvarp til laga um tímabundnar undanþágur frá skipulags- og byggingarlöggjöf og skipulagi, 314. mál.

28. Umsögn um slit ógjaldfærra opinberra aðila - 2310043SA

Lögð fram til kynningar umsögn sambandsins til fjármála- og efnahagsráðuneytisins, dags. 21. nóvember 2023, um slit ógjaldfærra opinberra aðila, mál nr. S-196/2023.

29. Lögbundin verkefni sveitarfélaga - 2311019SA

Lögð fram til kynningar fréttatilkynning innviðaráðuneytisins 13. nóvember sl. þar sem ljósi er varpað á veikleika fámennra sveitarfélaga.

30. Viðræður við ríkið um málefni fatlaðs fólks - 2205032SA

Framkvæmdastjóri gerði grein fyrir stöðu mála í viðræðum við ríkið um málaflokk fatlaðs fólks. Að því loknu var tekin umræða um málið.

Fundi var slitið kl. 15:20